



IZVIĐAČKI \_ SUSRETI

**SARAJEVIJSKO**  
*projekat*  
2024.



# O našem gradu

Sarajevo je glavni i najveći grad Bosne i Hercegovine. Nalazi se u Sarajevsko-zeničkoj kotlini, na rijeci Miljacki. Miljacka je desna pritoka rijeke Bosne, koja nastaje nekoliko kilometara od Sarajeva spajanjem Paljanske i Mokranjske Miljacke. Grad se nalazi na nadmorskoj visini od prosječno 500 metara te je okružen našim olimpijskim ljepoticama, planinama Treskavica, Bjelašnica, Igman, Trebević i Jahorina.

Osnivačem grada smatra se Isa-beg Ishaković, sandžak-beg Bosanskog sandžaka u drugoj polovini petanestog stoljeća, kada je i Sarajevo i osnovano. Ime grada potiče od turske riječi *saraj*, što znači dvor, kuća. Po osnivaču grada ime nosi jedna osnovna škola u sarajevskom naselju Grbavica.

Prema popisu stanovništva iz 2013. godine, u Sarajevu živi 275 524 stanovnika, a u Kantonu Sarajevo, koji pored gradskih općina obuhvata općine Hadžići, Trnovo, Ilidža, Vogošća i Ilijaš, prema tom popisu živi 413 593 stanovnika.

Ovaj grad nosi epitet *Jerusalema Europe*, zbog svoje tradicionalne i vjerske raznolikosti. Kao takav, sjeća se mnogih historijskih trenutaka, ne samo od značaja za Bosnu i Hercegovinu, već i za čitav svijet.

# O našem odredu

Ideja o osnivanju Odreda izviđača „Pofalići-Novo Sarajevo“ javila se 2015. godine u Osnovnoj školi „Pofalići“ u Sarajevu. Naša starješina Zineta Vejzović, koja je tada radila kao učiteljica, okupila je oko sebe svoje đake sa idejom revitaliziranja izviđaštva u Novom Sarajevu.

Ideja dobija svoj „drugi val“ 2019. godine tako što se iz te prve generacije izviđača aktivirala Ema Selimović, danas načelnica odreda, i okupila novu generaciju izviđača sa istom misijom kao i prvog dana osnivanja. Te godine kreću naše prve veće aktivnosti, kao što je izviđački kamp u Istanbulu, te prvi nastupi na takmičenjima.

Rad odreda otežan je pandemijom, a kako joj je dolazio kraj mi smo sve više nastojali nastaviti tamo gdje smo stali. Presudan trenutak za opstanak našeg odreda jeste saradnja sa Međunarodnim centrom za djecu i omladinu Novo Sarajevo, u čijoj smo Dječijoj kući pronašli svoj novi dom, koji se ispostavio kao pravo mjesto za nas. Dolaskom u Dječiju kuću naš odred je postao primijećen na adekvatan način, i dobili smo punu podršku i vjetar u leđa za konačnu registraciju udruženja koja se desila na početku 2023. godine. Time smo postali jedini odred izviđača na području naše općine, i jedan od dva aktivna odreda izviđača u gradu Sarajevo.

Danas se možemo pohvaliti sa oko 50 članova, raspoređenih prema uzrastu u jato „Zečići“, vod mlađih i starijih izviđača „100 dolara“, te dva kluba brđana, Klub brđana „Boško Buha“ i Klub brđana veterana.

# Zašto „Sarajevsko proljeće“?

Ideja kojom se vodio Štab Odreda izviđača „Pofalići-Novo Sarajevo“ jeste da Sarajevo, kao glavni i najveći grad Bosne i Hercegovine, zaslužuje imati izviđačke susrete. Vjerujemo da će iz godine u godinu ti susreti postati tradicionalni i da će se na njima rado okupljati izviđači i planinke svih uzrasta.

Naziv susreta simboličan je za nas na više načina – ne samo da ćemo poželjeti dobrodošlicu proljeću, već i da ćemo na neki način najaviti „proljeće izviđaštva“ u Sarajevu, kako je to zastupljeno u drugim gradovima poput Zenice, Mostara, Konjica, Jablanice, Tešnja i drugih gradova naše Bosne i Hercegovine.

Čast nam je što vas možemo već ove godine ugostiti u našem gradu, i to zahvaljujući upravo Vama i Vašoj podršci! Bez Vas, ovi susreti ne bi imali vrijednost koju imaju sada.

## Satnica takmičenja

Okupljanje je predviđeno na Otvorenoj bini na Vilsonovom šetalištu kod Zemaljskog muzeja.

### 20.04.2024. (subota)

- 9:30 – Dolazak ekipa na takmičenje
- 10:00 – Svečana ceremonija otvaranja takmičenja
- 10:15 – Prijava ekipa i početak takmičarskog dijela
- 15:30 – Očekivan završetak takmičarskog dijela
- 16:00 – Zabavni program
- 17:00 – Svečana ceremonija zatvaranja takmičenja

Moguća su manja odstupanja od satnice iz objektivnih razloga.

## Ishrana

Organizator je omogućio po jedan obrok za takmičare i pratiocje ekipa, koji će im biti uručen nakon prijave. Također, omogućili smo ručak za do 7 gostiju iz svakog odreda koji nam se priključi. Broj gostiju koji nisu dio takmičarskog procesa možete najaviti putem maila, uz prijavu.

## Štab takmičenja

- Starješina takmičenja: Zineta Vejzović
- Pomoćnik starješine: Safet Vejzović
- Načelnica takmičenja: Dalila Lokvančić
- Predsjednik Takmičarske komisije: Ema Selimović



Sekretar takmičenja: Elma Oruč  
Blagajnik takmičenja: Azra Zakomac  
Delegat takmičenja: (čeka se SIFBiH)  
Medicinsko osoblje: članovi Crvenog križa Novo Sarajevo

## Sastav ekipe i broj ekipa

Sastav ekipe podrazumijeva 4 člana mješovitog sastava (m-ž) koja u ovoj godini pune 7 ili su već napunili 11 godina (godišta od 2013. do 2017.). Datum rođenja utvrđivat će se prilikom pregleda lične i kolektivne opreme izviđačkom i zdravstvenom knjižicom. Ako je jedan član ekipe stariji ili mlađi od starosnih granica definisanih Propozicijama, ekipa ne može učestvovati na takmičenju.

Ekipa treba imati minimalno dva ženska člana, a za svakog ženskog člana manje ekipi se umanjuje 20% od ukupnih poena ostvarenih na takmičenju.

Iz jednog odreda moguće je prijaviti dvije ekipe. U slučaju da želite prijaviti više ekipa, potrebno je konsultovati se sa načelnicom takmičenja.

Uz ekipu obavezan je jedan punoljetan pratilac ekipe koji će biti uz ekipu duž staze i neće učestvovati u izradi zadatka, već isključivo ima ulogu pratnje. Pratilac ekipe snosi odgovornost za postupke ekipe i odgovoran je za sigurnost svoje ekipe tokom prelaska staze.

## Osiguranje učesnika

Popunjenim, ovjerenim i potpisanim Prijavnim listom koji se donosi na dan takmičenja, odred izviđača koji se prijavljuje potvrđuje jednu od dvije mogućnosti:

1. Takmičari i pratilac ekipe pregledani su i osigurani za ovakvu vrstu aktivnosti, ili
2. Prikupljene su potrebne saglasnosti od roditelja za učešće njihove djece na vlastitu odgovornost.

## Predzadatak

Predzadatak za ovo takmičenje se sastoji iz dva dijela:

- Jedna odredska marama
- Jedna plišana igračka, ili dio školskog pribora

Plišane igračke i školski pribor bit će donirani putem udruženja *pomozi.ba* porodicama u potrebi.

Predzadatak se boduje sa 50 bodova.

# Oprema

Poletarci i pčelice za ovo takmičenje trebaju imati ličnu opremu kako slijedi:

- Izviđačka marama
- Izviđačka uniforma sa pripadajućim oznakama
- Izviđačka knjižica sa uredno ispunjenim podacima, fotografijom i markicom za 2024. godinu
- Odgovarajuća obuća za pješčenje
- Kišna kabanica ili nepropusna jakna
- Flašica za vodu bar 0,5L

Pored lične, potrebno je posjedovati i kolektivnu opremu, kako slijedi:

- Odredska zastava (jedna po odredu je dovoljna)
- Komplet za pružanje prve pomoći
- Pištaljka
- Pribor za crtanje i pisanje
- Jedan mobilni telefon
- 2 ranca

Lična i kolektivna oprema se ne boduju, ali su uslov za ekipu da pristupi takmičenju. Ako nedostaje dio opreme, Takmičarska komisija nije dužna nadoknaditi dio opreme koji nedostaje niti je dužna dozvoliti ekipi da se takmiči.

## Zadaci na stazi

### Pronalazak kontrolnih stanica na terenu

Vrijeme potrebno za prelazak staze koja je duga do 6km definiše Takmičarska komisija, koja će upoznati ekipe sa predviđenim vremenom prije početka takmičenja. Za svaki minut prekoračenja od definisanog vremena, ekipi se dodjeljuju dva negativna boda. Ukoliko ekipa ne pronađe tri i više kontrolnih stanica bit će diskvalifikovana. Svaka pronađena kontrolna stanica boduje se sa 80 bodova.

### Test općeg i izviđačkog znanja

Test se sastoji od po pet pitanja iz oblasti izviđačka organizacija, prva pomoć i orijentacija. Test se rješava kolektivno i nije vremenski ograničen, ali ulazi u vrijeme prelaska staze. Na svakoj oblasti moguće je osvojiti 25 bodova, što je ukupno 75 bodova na testu.

### Poligon spretnosti

Sastojat će se iz kombinacije igara spretnosti u kojima će učestvovati svi članovi ekipe. Najbrža ekipa osvaja 60 bodova. Ostale ekipe osvajaju bodove prema formuli:

$$\text{broj bodova ekipe} = \frac{\text{vrijeme ekipe} * 60 \text{ bodova}}{\text{najbolje vrijeme}}$$

## Čvorologija

U ovoj disciplini učestvuju tri člana patrole. Svaki član veže po 4 čvora. U opticaju su sljedeći čvorovi: ribarski, prusikov, vrzina petlja, skraćivaljka, mrtvi i ambulantni. Moguće je osvojiti 100 bodova, 60 na vezanje i 40 na brzinu vezanja. Dodatni bodovi na brzinu vezanja priznaju se samo ako su svi čvorovi ispravno zavezani.

Formule za bodovanje:

broj članova (3) \* broj čvorova (4) \* 5 bodova = 60 bodova

$$\text{broj bodova ekipe} = \frac{\text{vrijeme ekipe} * 40 \text{ bodova}}{\text{najbolje vrijeme}}$$

## Putni znaci

Način realizacije i bodovanje su identični onom sa čvorologije, sa 60 bodova na tačne putne znake i 40 bodova na brzinu rješavanja.

## Prva pomoć

Prva pomoć za poletarce i pčelice oslanja se na znanje koje je potrebno steći u izviđačkim letovima prema Programu SluBiH. Moguće je osvojiti 100 bodova.

## Šifrovano pismo

Ekipe će trebati dešifrovati šifriranu poruku i bit će vremenski ograničena. Uspješno dešifrovana poruka bodovat će se sa 90 bodova, a nepotpuno dešifrovana neće biti bodovana.

## Zadatak iznenađenja

...ne bi bio iznenađenje kad bismo vam rekli 😊 Možemo vam samo reći da će princip bodovanja biti identičan kao na poligonu spretnosti, sa maksimalnih 60 bodova.

# Nagrade

Na ovom takmičenju organizator će pripremiti adekvatne pehare za prvo, drugo i treće mjesto, te prijelazni pehar za najuspješniji odred na takmičenju. Ako tri godine za redom isti odred bude najuspješniji, odred zadržava prelazni pehar u trajno vlasništvo. Svi odredi će dobiti zahvalnicu za učešće na takmičenju.

# Prijave

Prijave za takmičenje su moguće na mail odreda ispunjavanjem obrasca za prijavu (u prilogu) do 05.04.2024. u 23:59. Blagovremena prijava nosi 50 bodova.

Obrazac je potrebno donijeti i na takmičenje, popunjen i sa potpisima roditelja na za predviđena mjesta, te uredno ovjeren od matičnog odreda.

**Starješina takmičenja:** Zineta Vejsović +387 61 501 800

**Načelnica takmičenja:** Dalila Lokvančić +387 62 377 196

**e-mail Odreda:** [oiopofalici@gmail.com](mailto:oiopofalici@gmail.com)

## Napomene

1. Na prostoru gdje će se održati ceremonije otvaranja i zatvaranja nalazit će se i štand udruženja *pomozi.ba*, tako da ostavljamo mogućnost odredima i članovima (ako to budu željeli, nije obavezno) da ostave neku donaciju na njihovom štandu. U izviđačkom programu između ostalog stoje obaveze učešća u humanitarnim aktivnostima, pa ovo može biti jedinstvena prilika da nekoga obradujete a i ispunite neke uslove za izviđačke letove. Naše malo nekom je mnogo!
2. Svi učesnici takmičarskog procesa i gosti dužni su se pridržavati izviđačkih zakona i Pravilnika o takmičenjima SIFBiH. U slučaju neprimjerenog ponašanja, postupat će se shodno Pravilniku, za čije je tumačenje u slučaju nejasnoća odgovoran Delegat takmičenja.

*Dragi prijatelji, vidimo se u Sarajevu!*